

## жыл бойы атқарылған тәрбие жұмысының есебі

Сыныпта екі оқушы оқыды: 1 ұл, 1 қыз бала. Отбасылық жағдайлары жақсы. Сыныптың бір оқушысы «Оқу озаты» (Максатова Ә.), екіншісі- «Оқу екпіндісі» (Аргумбаев Нұрлыбек).

Жалпы сынып оқушыларының интеллектуалдық деңгейі, сабаққа қызығушылығы, тәртіптері жақсы.

Жыл басында 2021- 2022 оқу жылының тәрбие жұмысы жоспары жасақталып, жас ұрпақтың бойында азаматтық және патриотизмді қалыптастыру мақсатында іс- шаралар ұйымдастырылды. Тәрбие жұмысы сегіз бағыт бойынша жүргізілді:

1.Бағыты: жаңа қазақстандық патриотизм мен азаматтықты тәрбиелеу, құқықтық тәрбие

Мақсаты: Отанға ұтымды және эмоционалдық қарым-

қатынасы, мемлекет пен қоғамның саяси, құқықтық және сыбайлас жемқорлыққа қарсы заңсыздыққа қарсы тұратын, балалар мен жастар ортасында қатыгездік пен зорлық-зомбылыққа қарсы тұруға дайын заңдарын меңгеру және сақтау қажеттілігі бар патриот пен азаматты қалыптастыру.

2.Бағыты: рухани-адамгершілік тәрбие

Мақсаты: "Рухани жаңғыру" құндылық негіздерін тұлғаның рухани-

адамгершілік және этикалық қағидаларын, оның моральдық қасиеттері мен ұстанымдарын қайта жаңғырту туралы терең түсінігін қалыптастыру, қазақстандық қоғам өмірінің жалпы адамзаттық құндылықтарымен, нормалары мен дәстүрлерімен келісіледі.

3.Бағыты: ұлттық тәрбие

Мақсаты: жеке тұлғаны жалпы адамзаттық және ұлттық құндылықтарға бағыттау, ана мен мемлекеттік тілге, қазақ халқының мәдениетіне, Қазақстан Республикасының этностары мен этностық топтарына құрмет көрсету

4. Бағыты: Отбасылық тәрбие

Мақсаты: ата-аналарға білім беру, олардың психологиялық-

педагогикалық құзыреттілігін және балаларды тәрбиелеу жауапкершілігін арттыру.

5.Бағыты: Еңбек, экономикалық және экологиялық тәрбие

Мақсаты: кәсіби өзін-өзі анықтауға саналы көзқарасты қалыптастыру, экономикалық ойлауды және тұлғаның экологиялық мәдениетін дамыту

6. Бағыты: интеллектуалды тәрбие, ақпараттық мәдениетті тәрбиелеу

Мақсаты: әрбір тұлғаның зияткерлік мүмкіндіктерін, көшбасшылық қасиеттерін және дарындылығын, сондай

ақ ақпараттық мәдениетті дамытуды қамтамасыз ететін мотивациялық кеңістікті қалыптастыру

7. Бағыты: көпмәдениеттік және көркем-эстетикалық тәрбие

Мақсаты: жалпы мәдени мінез-құлық дағдыларын қалыптастыру, жеке тұлғаның өнер мен шынайылыққа эстетикалық объектілерді қабылдауға, меңгеруге, бағалауға дайындығын дамыту, білім беру ұйымдарында көпмәдени орта құру.

8. Бағыты: дене тәрбиесі, салауатты өмір салты

Мақсаты: салауатты өмір салты дағдыларын табысты қалыптастыру, дене және психологиялық денсаулықты сақтау, денсаулыққа зиян келтіретін факторларды анықтай білу үшін кеңістік құру

I және II жартыжылдық іс-шара жоспары жасалынып, бекітілді. Жоспарға сай сынып сағаттары өткізілді. Атап айтқанда: «1 қыркүйек – Білім күні. «Тәуелсіздік жетістіктері»,

«Қарттарым аман-саумысың?», «Қазақстанның киелі орындары», «Мен-оқушымын, қоғам азаматым», «Қауіпсіздік шаралары дегеніміз не?», «Мамандық: кеше, бүгін, ертең», «Тәуелсіздік тарихы жолдары», «Адамгершілік – асыл қасиет!», «Денсаулықты сақтаудың тиімді жолдары», «Мәңгілік елдің болашағы - рухы мықты ұрпақ», «Көшбасшы нені білуі керек?», «Жемқорлыққа жол жоқ!», «Ғаламторсыз бір күн», «Интернет – бүкіләлемдік өрнек», «СПИД – ғасыр індеті», «Батыр бабалар ұрпағымыз», «Ұлттық ойын түрлері», «Ел қорғаған батырлар ерлігі -ұрпаққа мұра», «Табиғатты сүю-ел ертеңін ойлау», «Елін сүйген, елі сүйген Елбасы», «Біз сыбайлас жемқорлыққа қарсымыз!», «Балаға жүрек жылуы», «Ана өмір шуағы», «Ерлікке тағзым» (9-мамыр «Жеңіс күніне» орай), «Адал ұрпақ – ел болашағы» «Соңғы қоңырау – 2022». Осы тақырыптар бойынша тәрбие сағаттарына оқушылар да ат салысты: өлең жолдарын, ән сөздерін жаттап, мәнерлеп оқып, ән салды.



Тәрбие сағаттарына ғана қатысып қоймай, балалар барлық мектепшілік шараларға да қатысып, атсалысып отырды. Мысалы үшін: «Күзгі бал», «Тәуелсіздік күні» мерекелік концертіне, «Жаңажылдық шырша» мерекелеріне, «Күзгі жәрмеңке», «ИДН-мен кездесу», медбикенің қатысуымен «Денсаулық сағаттары» өткізілді.





Түрлі «Газеттер байқаулары», салтанатты саптузеулер шараларына қатысып отырды. Олардың еңбектері еленіп, марапаттау қағаздарын алды.



Ата-аналар жиналысы өткізіліп отырды. Онда оқушылардың тұрмыс-жағдайы, оқу үлгерімі, сабаққа қатысуының белсенділігі, емтиханға дайындығы және тағы басқа мәселелер талқыланып отырды. Оқушылардың ата-анасымен тығыз жұмыс жүргізіліп, қысқы, күзгі, көктемгі және жазғы демалыста қайда болатындығы, өмір қауіпсіздігі және түнгі уақытта ата-анасыз жүруге болмайтындығы айтылып, ата-аналардан сенімхат алынды.

Мектепте полиция инспекторы және психологпен дөңгеле үстел, тренингтер өткізілді. Салауатты өмір салтын қалыптастыру мақсатында «Жасөспірімдер арасында АҚТК/ЖҚТБ-ң белгілері, жұқтырудың алдын –алу», «Дұрыс тамақтанудың бала денсаулығына әсері» атты әңгіме өтті. Жыл бойына мектепте өткізілген қоғамдық іс шараларға сынып оқушылары барынша белсене араласты, пәндер апталықтарына қабырға газеттерін шығарып, мерекелерде сахна көріністеріне ат салыса қатысып жүлделі орындарға ие болды.



Сынып жетекшісі: Аяпбергенова К.С.